



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Archiepiscopo Beneventano.

**urn:nbn:de:hbz:466:1-20020**

*vide supra*  
quod. 14.

propositum replicando quia licet de quadraginta annorum præscriptione constarer, tempus tamen schismatis quod in Luca na Ecclesia intervenisse per testes erat ostensum debebat meritò de computacione subduci. E contrà parte altera respondentे quod licet de schismate quod intercesserat fuerit facta fides cum quanto tempore duraverit minimè sit ostensum, & potuerit modico tempore duravisse, propter hoc tamen præscriptionis objectio non poterat efficaciter impediri; præcipue cum per plures testes quadraginta quinque annorum præscriptio sit probata. Nos igitur iis & aliis quæ coram nobis utrinque fuere proposita perspicaciter intellectis, quia prædictus Abbas sufficienter ostendit monasterium suum super institutionibus, destitutionibus, & ordinationibus Plebani & Clericorum, baptismo, pœnitentia in levioribus culpis, sepultura, decimarum perceptione, ac divinis officiis celebrandis tam in plebe quam Capellis etiam supradictis, in excommunicando quoque, interdicendo, & etiam absolvendo, legitima præscriptione munitum, Abbatem ipsum ab impeditio ne tua super jamdiictis articulis de consilio fratrum nostrorum duximus absolvendum, super illis tibi perpetuum silentium imponendo, super alius omnibus qua ad jus episcopale spectare noscuntur juxta tenorem arbitrij eundem Abbatem quoad plebem & Capellas prædictas sententialiter condemnantes. Nulli ergo omnino hominum liceat hanc paginam nostra diffinitionis infringere &c. Si quis autem hoc attentare præsumperit &c. usque incursum. Datum Ferentini 11. Kal. Novem. pontificatus nostri anno undecimo.

*ABBATI ET MONACHIS  
sancti Salvatoris de Fiebeco.*

Nº 162.  
De cedam re.

Cum venerabilis frater noster Lucas Episcopus super plebe de Salamazano & adjacentibus Capellis ipsius vobis in nostra dudum præfentia litigando institutionem Clericorum in eis & alia ad jus episcopale spectantia sibi intendere vendicare, ad fundandam intentionem suam jus commune principaliter allegabat &c. in eundem ferè modum usque. Ad elidendam autem intentionem Episcopi sic fundatam, tu fili Abbas &c. in eundem ferè modum ut supra usque in finem. Datum Ferentini &c. ut in alia.

*GERARDO FUNDATORI  
Capella in suburbio Wiene ad honorem  
sancti spiritus & beati Antonij constituta.*

Dilectus filius nobilis vir Dux Austriae per suas nobis litteras intimavit quod cum de suo consilio & consentiu Capellam in suburbio Wiennæ ad honorem sancti spiritus ac beati Antonij construxisset, & ad opus pauperum cum decem & novem areis tuis ibidem adjacentibus eam pio dotavisses amore, sentiens odoris fragrantiam que per Dei gratiam de religione hospitalis nostri sancti spiritus\* in Saxia procedit, illam ei committere decrevisti, censem unius marœ argenti sibi annualiter reddituram. Nos igitur tuus & ejusdem Ducis precibus inclinati, Capellam ipsam cum omnibus bonis tam ecclesiasticis quam mundanis que in præsentiarum rationabiliter possidet, aut in futurum dante Domino iustis modis poterit adipisci, necnon etiam & personas consistentes in ipsa sub beati Petri & nostra protectione suscipimus, camque sub prætaxato censu hospitali prædicto sancti spiritus applicamus, præsentium auctoritate mandantes quatinus, sicut hactenus, sub tua interim gubernatione constat donec magister hospitalis jamdicti per se vel suum nuntium eam visitans, secundum Deum & suam regulam de ipsius utilitate disponat. Nulli ergo &c. hanc paginam nostræ protectionis &c. usque incursum. Datum Ferentini 11. Kal. Novembris, pontificatus nostri anno undecimo.

*ARCHIEPISCOPO BENEVENTANO.*

Bona memoria &c. usque investire. Ceterum licet transmissæ nobis tua litteræ continerent quod Ecclesia memorata ad donationem Ecclesie Beneventana pertineat, quamvis per felicis memoriae Alexandrum Papam prædecessorem nostrum prædicto collata fuerit Cardinali, quia tamen à nonnullis accepimus quod ipsius collatio specialiter spectat ad Romanum Pontificem, ac Romanam Ecclesiam in hac possessione reperimus, tandem Ecclesiam de manu nostra duximus conferendam, nolentes ex donatione huiusmodi ullum Ecclesie Beneventanae præjudicium generari si volueris vel potueris forsitan ostendere quod eadem ad donationem tuam debeat pertinere. Datum Ferentini.

*Epiſt. 164.  
Suscipitur in  
protectione  
apostolica  
scđis.*

*Vide gesta In-  
noc. III. cap.  
144.*

*Epiſt. 170.  
De donatione  
cujusdam Ec-  
clesie.*

